

O‘ZBEKISTON RESPUBLIKASI
OLIY TA‘LIM, FAN VA INNOVATSIYALAR VAZIRLIGI
O‘ZBEKISTON RESPUBLIKASI MADANIYAT VAZIRLIGI
O‘ZBEKISTON DAVLAT KONSERVATORIYASI

KASBIY (IJODIY) IMTIHONLAR DASTURI
VA BAHOLASH MEZONI

60210100 - Texnogen san’at: musiqiy ovoz rejissyorligi
ta’lim yo‘nalishi uchun

Toshkent – 2026 yil

Dastur O'zbekiston davlat konservatoriyasining O'quv-uslubiy kengashida ko'rib chiqilgan va ma'qullangan (20 ____-yil ____-dagi ____-sonli majlis bayoni).

Tuzuvchilar:

D.Abdullayev - O'zDK

“Kompozitorlik va cholg'ulashtirish” kafedrası “Texnogen san'at” (Musiqiy ovoz rejissyorligi) ta'lim yo'nalishi o'qituvchi.

B.Madaminov - O'zDK

“Kompozitorlik va cholg'ulashtirish” kafedrası “Texnogen san'at” (Musiqiy ovoz rejissyorligi) ta'lim yo'nalishi o'qituvchi.

Taqrizchilar:

Sh.Gafurova – O'zDK

“Kompozitorlik va cholg'ulashtirish” kafedrası professori, t.f.n.

A.Mirzayev – O'zDK

huzuridagi B.Zokirov nomli MESI o'quv ishlari bo'yicha prorektori dotsent.

Kirish

Bakalavriat ta'lim bosqichiga kiruvchi abituriyentlar uchun tuzilgan mazkur dastur – 60210100 - Texnogen san'at (musiqiy ovoz rejissyorligi) ta'lim yo'nalishi bo'yicha kasbiy (ijodiy) imtihonlarni olish uchun mo'ljallangan.

60210100 - Texnogen san'at (musiqiy ovoz rejissyorligi) ta'lim yo'nalishi bo'yicha 1-fan kasbiy (ijodiy) ixtisoslikdan imtihon dasturi, 2-fan Musiqa tarixi va nazariyasi fanidan abituriyentlarning amaliy-nazariy ko'nikma va malakalarini aniqlash uchun mo'ljallangan. Ushbu ta'lim yo'nalishi bo'yicha hujjat topshirgan abituriyentlar musiqiy asarlarni tahlil borasida ish bajaradilar. Bajariladigan vazifalar tasdiqlangan mezon asosida baholanadi.

1-FAN

“TEXNOGEN SAN'AT (MUSIQIY OVOZ REJISSYORLIGI)”

Fanning maqsadi va vazifalari:

60210100 - Texnogen san'at (musiqiy ovoz rejissyorligi) ta'lim yo'nalishidagi Musiqiy ovoz rejissyorligi asoslari fani uchun tuzilgan mazkur dasturda qo'yilgan asosiy maqsad – kasbiy (ijodiy) sinovlar orqali musiqiy ovoz rejissyorligi asoslari fani bo'yicha eng ahamiyatli hisoblangan fonogrammalar tahlili hamda musiqiy ovoz rejissyorligi sohasiga bog'liq mavzular bo'yicha amaliy malaka va nazariy bilimlarini aniqlashdan iboratdir.

Musiqiy ovoz rejissyorligi asoslari bo'yicha qabul qilinadigan abituriyentlar o'rta yoki musiqa va san'at maktabi darajasidagi musiqiy ma'lumot asosida musiqa san'atining hamma turlari bo'yicha yetuk bilimga ega bo'lishlari, musiqa san'atining sir asrorlarini har jihatdan o'zlashtirgan bo'lishlari, musiqa janrlarini yaxshi bilishlari, klassik va hozirgi zamon musiqa yo'nalishlarini tahlil qila olishlari, eshitilgan (fonogramma) kuylarni – turli chastotalarni ajrata bilish, orkestr, ansamblarning turlarini, undagi sozlarni bilishlari lozim. Musiqiy mavzuni, muvozanatni, cholg'ulashtirilganligini, ijro sofligini, yozilishda yo'l qo'yilgan kamchilik va xatolarni, mono va stereo yozuvlarni ajrata bilishlari lozim. Shu bilan bir qatorda ovoz rejissyorligi kasbi haqida tushunchasi, ovoz rejissyorligining ish jarayoni va yo'nalishlari, fizika va akustika fanidan tovush haqidagi bilimlari, turli ovoz yozish texnik anjomlari va ularning ovoz yozuvi va uzatuvdagi qo'llanilishi, axborot kommunikasiya texnologiyalari (kompyuter musiqasi texnologiyalari) bo'yicha malakasi, texnika sohasiga qiziqish va intilishi bilimlari orqali aniqlanadi.

Abituriyent bilimiga qo'yiladigan talablar

60210100- Texnogen san'at (musiqiy ovoz rejissyorligi) ta'lim yo'nalishiga hujjat topshirgan abituriyentlar ijodiy imtihonni musiqiy ovoz rejissyorligi asoslari fanidan 2 ta turda topshiradilar. Birinchi turda abituriyentlar fonogrammalarni amaliy tahlil qiladilar. Ikkinchi turda musiqiy ovoz rejissyorligi sohasiga bog'liq bo'lgan

mavzular bo'yicha bilet asosida og'zaki imtihon topshiradilar. Bajarilgan fonogramma tahlili va bilet asosidagi og'zaki vazifalar tasdiqlangan me'zon asosida baholanadi.

Abituriyentni imtihon qilish quyidagi tartibda o'tkaziladi:

I tur

1. Eshittirilgan ovoz yozuvi tahlili (ijro sofligi, nuqsonlarni aniqlash, orkestr, ansambl turlari, undagi sozlar);
2. Turli chastotalarni eshitish va ajratish qobiliyatini aniqlash;
3. Mono va stereo eshittirish hamda chastotaviy o'zgarishlarni solishtirma tahlil orqali ajrata bilish;

II tur

Ovoz rejissyorligining ish jarayoni va yo'nalishlari, fizika va akustika fanidan tovush haqidagi bilimlari, texnika sohasi bo'yicha qiziqish va intilishlari quyidagi mavzular orqali aniqlanadi (og'zaki tarzda har bir biletda 3-tadan savol bo'ladi):

1. Ovoz rejissyorligi kasbining o'ziga xos xususiyatlari.
2. Ovoz yozuvi turlari, ularning farqlanishi va qo'llanilishi.
3. Tovush to'lqinlarining obyektiv ko'rsatgichlari.
4. Tovushning subyektiv parametrlari.
5. Ijroning dinamik diapazoni
6. Inson eshitishining o'ziga xos xususiyatlari.
8. Ovoz yutuvchi va qaytaruvchi materiallar haqida tushuncha.
9. Tovushlarni qayta ishlov turlari.
10. Obyektiv va subyektiv nazorat.
11. Mono va stereo va ko'p kanalli tizimlar haqida tushuncha.
12. Ovoz yozish va uzatishda ishlatiladigan texnik anjomlar va ularning qo'llanilishi.
13. Ovoz rejissyorligi sohasida kompyuter texnologiyalari dasturlaridan foydalanish.

Kasbiy (ijodiy) imtihon I tur abituriyent tomonidan bajarilgan fonogramma tahlili quyidagi me'zon asosida baholanadi:

I tur bo'yicha baholash mezonlari:

№	Eshittiriladigan fonogrammalar	To'liq javob uchun ball
1	Damli cholg'ular ansambli tarkibi to'g'ri topilgan	2,0 ballgacha
2	Simfonik orkestr tarkibi to'g'ri topilgan	2,0 ballgacha
3	Xalq cholg'ulari orkestri tarkibi to'g'ri topilgan	2,0 ballgacha
4	Xor jamoasi tarkibi to'g'ri topilgan	2,0 ballgacha

5	An'anaviy ansambl tarkibi va ovoz yozuvi sifati to'g'ri tahlil qilingan	2,0 ballgacha
6	Turli jamoalar ovoz yozuvlari mono yoki stereoligi to'g'ri topilgan	2,0 ballgacha
7	Fonogrammalar sifatlari to'g'ri baholangan	2,0 ballgacha
8	Estrada jamoasi ovoz yozuvi to'g'ri topilgan va tahlil qilingan	2,0 ballgacha
9	Kamer orkestri studiyaviy ovoz yozuvi tahlili to'g'ri bajarilgan	2,0 ballgacha
10	Xalq cholg'ulari kamer orkestri ovoz yozuvi tahlili to'g'ri bajarilgan	2,0 ballgacha
11	Turli shovqin fonida turli chastota signali kuchayganini to'g'ri topgan	15,0 ballgacha
12	Musiqiy kompozisiyada turli chastota kuchaytirilganligi to'g'ri topgan	15,0 ballgacha
13	Musiqiy kompozisiya misolida solishtirma tahlil asosida mono va stereo eshutilishini to'g'ri topgan	10,0 ballgacha
14	Musiqiy kompozisiya misolida solishtirma tahlil asosida turli chastotalar oshirilishi va kesilishini to'g'ri topgan	9,0 ballgacha
Jami		69,0 ball

II tur

3-ta savoldan iborat bo'lgan biletning har bir savoliga to'g'ri javob uchun **8,0 ball**, jami **24,0 ball** beriladi.

“Ixtisoslik” bo'yicha baholash uchun qo'yiladigan maksimal ball - **93,0 ball**.

Kasbiy (ijodiy) imtihonlarni o'tkazish tartibi

60210100-Texnogen san'at (musiqiy ovoz rejissyorligi) ta'lim yo'nalishiga hujjat topshirgan abituriyent jadval asosida belgilangan kunlarda “Musiqiy ovoz rejissyorligi asoslari” fanidan fonogramma tahlili hamda og'zaki tarzda kasbiy (ijodiy) imtihonlarni topshiradilar. Qabul komissiyasi tomonidan shakllantirilgan ro'yxat asosida abituriyentlar 1-tur imtihonlarini topshirish uchun navbat bilan 8 nafardan guruhchalarga bo'linib maxsus jihozlangan ovoz yozish studiyasiga o'tkaziladi va har bir guruh uchun fonogramma tahliliga 20 daqiqadan vaqt ajratiladi. Fonogramma tahlilini baholash quyidagi tartibda amalga oshiriladi: birinchi bo'lim 10 ta trekdan iborat bo'lib eshittirilgan har bir fonogramma to'liq va batafsil tahlil qilingani uchun 2,0 ball, tahlil 50 % gacha bajarilgan bo'lsa 1 ball, Ikkinchi bo'lim 6 ta trekdan iborat fonogramma tahlilida abituriyentlar turli shovqin va musiqiy kompozisiyalar fonida turli chastotalarning kuchayishini aniqlashlari lozim bo'ladi. Tahlil to'liq qilingan bo'lsa har bir trekning to'liq tahlili uchun 15 ball; tahlil 50 % gacha bajarilgan bo'lsa har bir trek uchun 7,5 ball; Uchinchi bo'lim 4 ta juft

treklardan iborat bo'lib eshittirilgan juft treklarning to'liq solishtirma tahlili uchun 10 ball; 50 % gacha solishtirma tahlil uchun 5 ball;

2-turda abituriyentlarning musiqiy ovoz rejissyorligi sohasiga bog'liq bo'lgan bilimlari bilek savollariga javob berishlari bilan baholanadi. Har bir bilekda 3-tadan savol bo'lib ular 6 balli tizimda baholanadi. Har bir savolga to'liq javob berilsa 8 ball; 50 % foizgacha javob berilsa 4,0 ball;

2-FAN

MUSIQA TARIXI VA NAZARIYASI

“Musika tarixi va nazariyasi” fanidan sinovlar 3 bosqichda o'tkaziladi:

1-bosqichda abituriyent **“Musika adabiyoti”** fani bo'yicha og'zaki savollarga javob berishi lozim.

2-bosqichda abituriyent **“Musika nazariyasi”** fani bo'yicha amaliy topshiriqlarni bajarishi lozim.

3-bosqichda abituriyent **“Solfedjio”** fani bo'yicha amaliy topshiriqlarni bajarishi lozim.

1-bosqich “Musika adabiyoti” fanidan sinovlar dasturining asosiy maqsadi - abituriyentlarning “Musika adabiyoti” fanidan nazariy bilim doirasi, amaliy ko'nikmalarining shakllanganligi qay darajada ekanligini aniqlashdan iborat. Ma'lumki, musiqiy asarlarni ijro etilishida ularning yaratilish davri, yo'nalishi, janri va shakli tamoyillari yuzasidan bilim ko'nikmalariga ega bo'lish talab etiladi. Shunga ko'ra abituriyentlar oldiga quyidagi vazifalar qo'yiladi:

- musiqiy asarlarni yaratilish davri, yo'nalishi, janri va shakl tamoyillarini bilish;

- mumtoz musiqaning yetuk namunalari xususida birlamchi bilimga ega bo'lish.

Abituriyent bilimiga qo'yiladigan talablar

Abituriyent “Musika adabiyoti” fanidan o'quv dasturi doirasida to'laqonli bilimga ega bo'lganligini og'zaki yoki yozma xolda namoyish etishi, o'z javobini musiqiy namunalarni fortepiano sozida chalib ko'rsatish yoki kuylab berish orqali tasdiqlashi talab etiladi. Sinov jarayonida abituriyentning eruditsiya, madaniy hodisalarni anglash, musika san'atining tarixiy jarayonlardagi ahamiyatini tushunish kabi xususiyatlari yorqin namoyon bo'lishi kerak.

“Musika adabiyoti” fanidan og'zaki topshiriqlar:

- a) ijro dasturiga oid savollar: (asarning shakl jihatidan tahlili, muallifi, yaratilgan davri va ijro yo'nalishi, ijroning badiiy xususiyatlari v.h);

- b) o'rta maxsus ta'limning umumiy kursi darajasida musika adabiyotidan bilimlarni;

v) janr va shakl nuqtai nazaridan kichik hajmdagi sonatina, romans, kuy va boshqa asarlarni tahlil qilish qobiliyati kabilarni o'z ichiga oladi;

Shuningdek, "Musika adabiyoti"da abituriyentning musiqa san'ati va boshqa san'at turlaridan, o'zbek va chet el musiqasida ma'lum va mashhur asarlar, zamonaviy an'analar haqidagi bilim darajasi qanday ekanligi bilib olinadi.

1-bosqich bo'yicha baholash mezonlari:

№	Savollar mazmuni	To'liq javob uchun ball
1	Asarga oid savollar	3,0 ballgacha
2	Chet el musiqa adabiyoti bo'yicha savollar	6,0 ballgacha
3	O'zbek musiqa adabiyoti bo'yicha savollar	6,0 ballgacha
4	Asarning janr va shakl nuqtai nazaridan tahlili	6,0 ballgacha
Jami		21,0 ball

1-bosqich "Musika adabiyoti" fani bo'yicha baholash uchun qo'yiladigan maksimal ball - 21,0 ball.

2-bosqich "Musika nazariyasi" fanidan sinovlar dasturining asosiy maqsadi - abituriyentlarning "Musika nazariyasi" fanidan nazariy bilim doirasini, amaliy ko'nikmalarining qay darajada shakllanganligini aniqlash, musiqiy-nazariy qonuniyatlarni bila olish. Musika nazariyasi musiqa ijrochilarining maxsus nazariy bilim darajasini belgilaydi. Professional ijro ko'nikmalari, tabiiy iste'dod, badiiy didni rivojlantirish bilan bir qatorda musiqiy-nazariy xususiyatlarni idrok etish, nazariy tahlil paytida anglash qobiliyatlarini namoyon etishga xizmat qiladi. Shuningdek, musiqa muallifining asarida bayon etilgan badiiy g'oyasining musiqiy-nazariy jihatlarini o'zlashtirishga yordam beradi.

Abituriyentlar oldiga quyidagi vazifalar qo'yiladi:

- Musiqiy-nazariy qonuniyatlarini bilish;
- nazariy bilimlarni amaliyotda qo'llash;
- nazariy tushunchalar asosida garmonik tuzilmalar va intervallar tuzish;
- muayyan misollar asosida musiqiy topshiriqlarni nazariy jihatdan aniqlash;
- musiqiy-nazariy tilning barcha tarkibiy qismlarini bilish va amaliyotda qo'llash;

musika asarining badiiy g'oyasi va mazmunidan kelib chiqqan holda musiqiy-nazariy tushunchalar orqali ifodalash.

Abituriyent bilimiga qo'yiladigan talablar

Abituriyent "**Musika nazariyasi**" fanidan o'quv dasturi doirasida to'laqonli bilimga ega bo'lgan holda og'zaki mashqlarni xatosiz bajarganda, garmonik qonuniyatlarni yechimini fortepianoda erkin namoyon etganda, tahlil jarayonida garmonik nazariy va amaliy ko'nikmalarini namoyish qilganda, shuningdek, fan

bo'yicha bilimlari yuqori badiiy darajada bo'lganida qo'yiladi. Talabanning garmonik eshitish qobiliyati, garmonik tuzilmalarni fortepianoda ijro etish mahorati yorqin namoyon bo'lishi kerak.

Musiqi nazariyasi fanidan abituriyent tomonidan bajariladigan amaliy ish quyidagi mezon asosida baholanadi:

OG'ZAKI TOPSHIRIQLAR

1. Berilgan tovushdan 3 xildagi major va minor, xalq musiqasidagi lادلarni tuzish, diatonik va xromatik intervallarni tuzish, ularni tonalligini aniqlash va yechish.

2. Berilgan akkordlarni aniqlash va ularning kerakli tonallikda yechish, berilgan tonallikda akkordlarning ketma-ketligini tuzish.

2-bosqich bo'yicha baholash mezonlari:

№	Savollar mazmuni	To'liq javob uchun ball
1	Berilgan tovushdan 3 xildagi major va minor, xalq musiqasidagi lادلarni tuzish, diatonik va xromatik intervallarni tuzish, ularni tonalligini aniqlash va yechish	11,0 ballgacha
2	Berilgan akkordlarni aniqlash va ularning kerakli tonallikda yechish, berilgan tonallikda akkordlarning ketma-ketligini tuzish	10,0 ballgacha
Jami		21,0 ball

2-bosqich “Musiqi nazariyasi” fani bo'yicha qo'yiladigan maksimal ball – 21,0 ball.

3-bosqich “Solfedjio” fanidan sinovlar dasturining asosiy maqsadi – barcha ixtisosliklar uchun musiqiy eshitishni rivojlantirish va kasbiy tayyorlanishda eng muhim predmetlardan hisoblanadi. Musiqiy eshitish darajasining yuqoriligi, kuylash malakasi va musiqiy xotirani kuchliligi xonanda va dirijyorlarni tarbiyalashda katta ahamiyatga egadir.

Fanni o'zlashtirishdan kelib chiqadigan vazifalar - abituriyentlar turli yo'nalishlarda bilimlarga ega bo'lganliklarini namoyish etishlaridan iboratdir. Solfedjio fani bo'yicha talabalar o'rganilayotgan materialning qaysi millatga taalluqli bo'lishidan qat'iy nazar musiqiy eshitish, xotirani har tomonlama rivojlantirish, kuylash va tinglash jarayonida tovush tozaligini nazorat qilish kabi tasavvur, tushuncha va bilimlarga ega bo'lishi lozim.

Abituriyent bilimiga qo'yiladigan talablar

Abituriyent "Solfedjio" fanidan o'quv dasturi doirasida to'laqonli bilimga ega bo'lishi, notaga qarab kuylashi, musiqiy-nazariy va amaliy ko'nikmalarini ko'rsatib berishi, shuningdek, fan bo'yicha bilimlari yuqori darajada bo'lishi talab etiladi. Talabanning solfedjio fanidan qobiliyati yorqin namoyon bo'lishi kerak.

Solfedjio fanidan abituriyent tomonidan bajarilgan amaliy ish quyidagi mezon asosida baholanadi:

OG'ZAKI:

1. Notanish bir ovozli misollarni dirijyorlik qilib kuylash.
2. Intervallar va akkordlarni eshitib aniqlash.

3-bosqich bo'yicha baholash mezonlari:

№	Savollar mazmuni	To'liq javob uchun ball
1.	Notanish bir ovozli misollarni dirijyorlik qilib kuylash:	
a)	Tonallikni to'g'ri aniqlash	2,0 ballgacha
b)	Sof kuylash	7,0 ballgacha
c)	Ritmik ketma-ketlikka aniq rioya qilish	6,0 ballgacha
2.	Intervallar va akkordlarni eshitib aniqlash	6,0 ballgacha
Jami		21,0 ball

3-bosqich "Solfedjio" fani bo'yicha qo'yiladigan maksimal ball - 21,0 ball.

"Musika tarixi va nazariyasi" fani bo'yicha qo'yiladigan maksimal ball - 63,0 ball.

Mazkur ta'lim yo'nalishida kasbiy (ijodiy) imtihonlarga jami qo'yiladigan maksimal ball – 156,0 ball.

Ijodiy imtihonni o'tkazish tartibi

60210100-Technogen san'at (musiqiy ovoz rejissyorligi) ta'lim yo'nalishiga hujjat topshirgan abituriyent jadval asosida oldindan belgilangan muddatlarda Toshkent shahridagi O'zbekiston davlat konservatoriyasi binosida ijodiy imtihon topshiradi. Imtihonlar yakka tartibda Qabul komissiyasi tomonidan belgilangan auditoriyalarda o'tkaziladi.

Ijodiy ishni qabul qiladigan komissiya abituriyentdan ijro dasturi bo'yicha imtihonni qabul qilib oladi.

Apellyatsiya tartibi

Oliy ta'lim tashkiloti rektori (direktori)ning buyrug'i bilan 3 nafardan kam bo'lmagan tarkibda sohaning yetuk mutaxassisleri va oliy ta'lim tashkilotining tajribali xodimlari, professor-o'qituvchilaridan iborat apellyatsiya komissiyasi tashkil etiladi. Apellyatsiya komissiyasi tarkibiga kasbiy (ijodiy) imtihon komissiyasi a'zolarining kiritilishiga yo'l qo'yilmaydi. Imtihonni qabul qilgan kasbiy (ijodiy) imtihon komissiyasi a'zosi apellyatsiya jarayonida qatnashib, o'z fikrini bildirish huquqiga ega.

Abituriyentlarning apellyatsiya shikoyatlari kasbiy (ijodiy) imtihon natijalari e'lon qilingan kundan (vaqtdan) boshlab 24 soat ichida qabul qilinadi va apellyatsiya komissiyasi tomonidan uch kun muddat ichida ko'rib chiqiladi. Abituriyent apellyatsiya shikoyatini ko'rib chiqishda ishtirok etish huquqiga ega. Apellyatsiya arizasining ko'rib chiqilish vaqti va joyi haqida abituriyentga kamida bir kun oldin xabar beriladi.

Apellyatsiya murojaati faqat abituriyentning o'zi to'plagan ballari yuzasidan qabul qilinadi. Boshqa abituriyentlarga oid shikoyat arizalari ko'rib chiqilmaydi.

Asos: O'zbekiston Respublikasi Vazirlar Mahkamasining 2025-yil 13-sentabrdagi 578-son qaroriga 1-ilova bilan tasdiqlangan Nizom.